



Захиргааны хэм хэмжээний  
актын улсын нэгдсэн санд  
2019 оны 03 сарын 22-ны  
өдрийн 4355 дугаарт бүртгэв.

МОНГОЛ УЛСЫН ХӨДӨЛМӨР,  
НИЙГМИЙН ХАМГААЛБЫН САЙДЫН  
ТУШААЛ

2019 оны 03 сарын 28 өдөр

Дугаар А/129

Улаанбаатар хот

Журам батлах тухай

Залуучуудын хөгжлийг дэмжих тухай хуулийн 8 дугаар зүйлийн 8.5 дахь хэсэгт заасныг үндэслэн ТУШААХ нь:

1. "Утга зохиол, уран сайхны бүтээл шалгаруулах журам"-ыг хавсралтаар баталсугай.

2. Тушаалын хэрэгжилтийг хангаж ажиллахыг Хүн амын хөгжлийн газар /С.Тунгалагтамир/-т үүрэг болгосугай.

3. Тушаалын хэрэгжилтэд хяналт тавьж ажиллахыг Хяналт-шинжилгээ, үнэлгээ, дотоод аудитын газар /Ц.Мөнхзул/-т даалгасугай.

САЙД



С.ЧИНЗОРИГ





2.4 Зөвлөл нь сонгон шалгаруулалттай холбоотой аливаа асуудлыг хуралдаанаараа хэлэлцэж шийдвэрлэнэ.

2.5 Зөвлөлийн нийт гишүүдийн 50-аас дээш хувь оролцсоноор хуралдаан хүчин төгөлдөр болно.

2.6 Зөвлөл бүтээлийг шалгаруулахдаа шударга, ил тод байх, адил тэгш хандах болон нээлттэй өрсөлдөөний зарчмыг баримтална.

2.7 Зөвлөл энэ журмын 1.1 дэх хэсэгт заасан агуулга бүхий утга зохиол, уран сайхны бүтээлийг шалгаруулах тухай мэдээллийг шалгаруулалт явуулахаас 45-60 хоногийн өмнө олон нийтийн хэвлэл, мэдээллийн хэрэгслээр нийтэд мэдээлнэ.

2.8 Энэ журмын 1.1 дэх хэсэгт заасан агуулга бүхий утга зохиол, уран сайхны бүтээлийг шалгаруулах тухай мэдээлэлд бүтээлд тавигдах шаардлага, бүрдэл, шалгаруулах зөвлөлийн хаяг, утасны дугаар, бүтээл хүлээн авах, бүртгэх, шалгаруулах байр, хугацаа зэргийг заана. Мэдээлэлд өөрчлөлт оруулах зайлшгүй шаардлага гарсан тохиолдолд зөвлөл тухай бүрд нь мэдээлнэ.

2.9 Зөвлөл шалгаруулалттай холбоотой дараах чиг үүргийг хэрэгжүүлнэ:

2.9.1 шалгаруулалтыг зохион байгуулах;

2.9.2 бүтээлийг дүгнэх;

2.9.3 шалгаруулалтын дүнг хуралдаанаараа хэлэлцэж, шалгаруулалтад тэнцсэн бүтээлийн жагсаалтыг гаргах;

2.9.4 шалгаруулалтын үр дүнг мэдээлэх;

2.9.5 шалгаруулалт явуулах байр, бусад шаардагдах нөхцлийг хангах;

2.9.6 шалгаруулалт явуулсан тухай тайланг тэнцсэн бүтээлийн жагсаалтын хамт залуучуудын асуудал эрхэлсэн төрийн захиргааны төв байгууллагад хүргүүлэх, шийдвэрийг албажуулах.

2.10 Залуучуудын асуудал эрхэлсэн төрийн захиргааны байгууллагын холбогдох нэгж зөвлөлийн үйл ажиллагаанд дараах чиглэлээр дэмжлэг үзүүлнэ:

2.10.1 шалгаруулалттай холбоотой асуудлаар зөвлөлийн дарга, гишүүдэд тухай бүр дэмжин тусалж, холбогдох мэдээллээр хангах;

2.10.2 шалгаруулалттай холбоотой санал, хүсэлт, гомдлыг хүлээн авч, зохих журмын дагуу шийдвэрлүүлэх;

2.10.3 зөвлөлийн хуралдааны бэлтгэлийг хангах, явцыг баримтжуулах;

2.10.4 шалгаруулалтыг жилд нэг удаа зохион байгуулах;

2.10.5 шалгаруулалтын тайлан, шийдвэрийн төсөл боловсруулах;

2.10.6 шалгаруулалтын материалыг зохих журмын дагуу цэгцэлж, архивт шилжүүлэх.

## Гурав. Шалгаруулалтад бүтээл нэр дэвшүүлэх

### 3.1 Шалгаруулалтад нэр дэвшүүлэх бүтээлд дараах шаардлагууд тавигдана:

- 3.1.1 энэ журмын 1.1 дэх хэсэгт заасан агуулгатай байх;
- 3.1.2 залуучуудын өмнө тулгамдаж буй асуудлыг шалтгаан, үр дагавар, шийдэл, зөвлөмжийн хамтаар дэвшүүлсэн байх;
- 3.1.3 залуучуудын үзэл бодлыг тусгасан байх;
- 3.1.4 залуучуудын оролцоог хангасан байх.

### 3.2 Шалгаруулалтад утга зохиол, уран сайхны дараах төрлийн бүтээлийг нэр дэвшүүлж болно.

#### 3.2.1 Утга зохиолын төрөл:

- 3.2.1.1 баримтат зохиол
- 3.2.1.2 намтар
- 3.2.1.3 роман
- 3.2.1.4 комикс
- 3.2.1.5 уран зөгнөлт зохиол
- 3.2.1.6 уянгын шүлэг
- 3.2.1.7 элэглэл
- 3.2.1.8 эссе
- 3.2.1.9 өгүүллэг
- 3.2.1.10 бусад

#### 3.2.2 Уран сайхны бүтээлийн төрөл:

- 3.2.2.1 уран сайхны кино
- 3.2.2.2 богино хэмжээний кино
- 3.2.2.3 хөрөг нэвтрүүлэг
- 3.2.2.4 теле жүжиг
- 3.2.2.5 сурвалжлага
- 3.2.2.6 бусад

3.3 Энэ журмын 5.1 дэх хэсэгт заасан шаардлагыг хангасан утга зохиол, уран сайхны бүтээлд Залуучуудын хөгжлийг дэмжих сангаас дэмжлэг авахаар Монгол Улсад бүртгэлтэй хуулийн этгээд, хувь хүн нэр дэвшүүлнэ. Нэр дэвшүүлэхэд дараах бүрдлийг бүрдүүлнэ:

- 3.3.1 уран бүтээлчийн дэлгэрэнгүй анкет;
- 3.3.2 эрх бүхий болон мэргэжлийн байгууллагын тодорхойлолт;
- 3.3.3 бүтээлийн онцлог, үр дүн, ач холбогдлыг танилцуулсан товч танилцуулга;



3.3.4 бүтээл нь тухайн ондоо дотоодын болон олон улсын уралдаан, тэмцээнд амжилт гаргасан бол холбогдох гэрчилгээ, батламжийн хуулбар.

#### **Дөрөв. Шалгарсан бүтээлд дэмжлэг үзүүлэх**

- 4.1 Зөвлөлийн дүгнэлтийг үндэслэн шагналын хэмжээг Залуучуудын асуудал эрхэлсэн Засгийн газрын гишүүний тушаалаар батална.
- 4.2 Шилдэг бүтээлийг шалгаруулах ёслолын ажиллагааг залуучуудын асуудал эрхэлсэн төрийн захиргааны төв байгууллага хариуцах бөгөөд шаардагдах зардлыг жил бүрийн төсөвт тусгана.
- 4.3 Шилдэг бүтээлд олгох шагналын зардлыг залуучуудын хөгжлийг дэмжих сангаас олгоно.

#### **Тав. Бусад зүйл**

- 5.1 Зөвлөлийн гаргасан дүгнэлтийг үндэслэн залуучуудын асуудал эрхэлсэн Засгийн газрын гишүүн шилдэг бүтээлийг шалгаруулсан тухай шийдвэр гаргана.
- 5.2 Шалгарсан бүтээлүүдийг олон нийтийн хэвлэл, мэдээллийн хэрэгслээр болон ном, товхимол хэлбэрээр нийтийн хүртээл болгоно.
- 5.3 Шалгарсан бүтээлийн зохиогчийн эрхийн асуудлыг холбогдох хуулиар зохицуулна.

-oOo-